

САШО ПАЛЕНКАШ БУЛ НА ТУРНЕЇ У СЛОВАЦКЕЇ

# ПУБЛИКА КРАШНЄ ПРИЛАПЕЛА МОЮ МУЗИКУ

Сашо Паленкаш зоз Руского Керестура врацел ше з тридньовой турнеї у Словацкей дзе початком августа отримал три концерти, два у Михаловцох и еден на Виним озеру. Сашо представел свойо писні зоз албумох „Шліди жита” и „Страсци”, як и даскельо нови сингли.

Пяток, 3. августа, Сашо отримал концерт у Младежским доме у Михаловцох, а другого вечара грал у природи на отвореним, на Виним озеру. Гвари же публика крашнє прилапела його музику з оглядом же знали його писні и од скорей.

– Ишол сом до непознатого, а и организаторе хтори ме волали же бим наступал, першираз таке дацо организовали. Мило ми же вони були задовольни, а наймилше ми же публика була задовольна



## АНЇ У ЕВРОПИ НЕ ШИЦКО ЯК ГОДЗИНКА

Кед ше зоз Словацкей врацал назад до Сербиї, Сашо запожнел на гайзибан у Мадярскей та, з оглядом же гайзибанска станїца през ноц не роби, 11 годзини мушел чекац вонка док не придзе други гайзибан за Сербию. Гоч не жадана, то ище една памятка з турнеї хтору дуго не забудзе.

атмосфера. Тот вечар остане му дуго у паметаню и пре инцидент хтори ше случел после концерту.

– После концерту вишол сом на бину знова дацо одграц и после даскелїх писньох скричали на мнє же

досц, бо пришла полиция. Концерт не бул приявени, та могло грац лем до 22 годзин, а ми дакус предлужели – гвари Сашо.

Шицки три днї, уход на концерти бул задармо, а Сашо после наступу дзелел нацивительом свойо компакт диски. Гвари же бешедовал и шпивал по руски и же го без проблема розумели, але знова пред концертом були порихтани тексти на їх диялекту, та публика хтора не розумела даедни слова могла провадзиц цо Сашо шпива.

Мая Зазуляк

кед чула мойо писні – гвари Сашо и додава же ше му всоботу пред концертом случела интересантносц.

– Пришол гу мнє еден бугнар зоз хторим сом ше пяток упознал и питал ше ми чи може дакус грац зо мну. Пристал сом, та до конца цали соботови концерт одграл на бонгосох и „роцтурел” – гвари Сашо.

Трецога, остатнього вечара, Сашо грал у Михаловцох, тиж на отвореним, и гвари же му тот концерт најлепши прето же була најлепша